

სოციალ-დემოკრატიული საქართველოს საქართველოს

ბუღალტრის სახელმწიფო უნივერსიტეტის 10 დღისური ორგანო

№ 16 (23) || 30 სექტემბერი || № 16 (23)

სტუდენტების ყოფა-ცხოვრებას მეტი ყურადღება

ჩვენი გაზეთის დღევანდელ ნომერში ვაქვეყნებთ საკ. კ. პ. (ბ) ცეკას დადგენილებას ნოვოჩერკასკის ინდუსტრიულ ინსტიტუტის შესახებ. ეს დოკუმენტი ამომწურავად ააშკარავებს ნოვოჩერკასკის ინსტიტუტის სტუდენტთა ცუდ საყოფა-ცხოვრებო მდგომარეობას. ასეთი მდგომარეობა დაახლოებით საბჭოთა კავშირის სხვა ინსტიტუტებშიც და, მათ შორის, ტფილისის უნივერსიტეტშიც.

ცეკას ეს დადგენილება, რომელშიც გათვალისწინებულია გადამჭრელი ღონისძიებები სტუდენტთა ყოფა-ცხოვრებით პირობების გაუმჯობესებისათვის, წარმოადგენს იმ ზღვარს საიდანაც უნდა დაიწყოს საბჭოთა სტუდენტობის მატერიალური პირობების შემდგომი გაუმჯობესება.

რატომ ვსვამთ საკითხს დღეს მატერიალური პირობების გაუმჯობესების შესახებ? განა ამ დარგში, უკანასკნელი წლების მანძილზე არაფერი გაკეთებულა? პირიქით. პარტიამ ფართოდ გაშალა ჩვენს ქვეყანაში უნივერსიტეტების და ინსტიტუტების ქსელი, რომლებიც გვიმზადებენ სოც. აღმშენებლობისათვის კვალიფიციურ წითელ კადრებს. საბჭოთა ხელისუფლება ხარჯავს დიდ თანხებს საბჭოთა სტუდენტების სწავლების ნორმალური პირობების შესაქმნელად. სტიპენდიების დანიშვნა საერთო საცხოვრებლების, ფაბრიკა-სამწარმეოლების, აბანოების და სამრეცხაოების მოწყობა, — აი ის რეალური დახმარება, რომელსაც უწევს პარტია და ხელისუფლება საბჭოთა სტუდენტობას. „და თუ ესაა, საბჭოთა მოსწავლეთა ეს თუ ის ჯგუფი ვარდება ისეთ პირობებში, როგორც ბათუმის ან ანაკოპიის ინსტიტუტში, ეს ხდება გაცილებით უფრო, რომ საბჭოთა ხელში ამათ ჩადგობული ჩინოვნიკების და ბიუროკრატების“ („პრავდა“).

დღეს ყველამ იცის, რომ საბჭოთა სტუდენტობა, როგორც „პრავდას“ მოწინავეშია ნათქვამი. თავისი სწავლებისას იმყოფება პროლეტარულ სახელმწიფოს საპასუხისმგებლო სამეცნიერო მივლინებაში. ხვალ თუ ზევ ის უნდა გავიდეს სოც. აღმშენებლობის გაშლილი ფრონტზე. ამ ფრონტზე ჩვენმა სტუდენტობამ უნდა დაიკავოს აღმშენებლობის მეთაურების თანამდებობანი. ამ საპატიო ამოცანის შესრულებისათვის სტუდენტს ესაჭიროება მეცნიერების ზედმიწევნით დაუფლება.

თავისთავად ცხადია, რომ სწავლებაში სტუდენტობას მაქსიმალური დახმარება უნდა აღმოუჩინონ ყველა ორგანიზაციებმა: უმაღლეს სასწავლებლის დირექციამ, სტ. ქალ. ხელმძღვანელობამ და

აგრეთვე იმ პირებმა (იქნება ის დამლაგებელი, თუ კომენდანტი, მზარეული, თუ საჭმლის მიმტანი), რომელთა მოვალეობაა მომსახურება გაუწიონ ჩვენს სტუდენტებს.

„ეს პირები დახმარებულია სახელმწიფოს მიერ ამ უზარუნო საშუალოდ იმით, რომ ყოველდღიურად ხელი შეუწყო სტუდენტების ნაყოფიერ სამეცნიერო მუშაობას და შეიძინა პირობები პარტიული აღზრდის განმტკიცებისათვის და მხიარული, კულტურულ ცხოვრებისათვის. ამ პირობებიდან პარტია მოითხოვს ნამდვილ მშობლიურ მზრუნველობას.“ („პრავდა“).

რა გაკეთდა დღემდე სახელმწიფო უნივერსიტეტში ამ მიმართულებით? ძლიერ ბევრი. 1000 სტუდენტზე მეტი ცხოვრობს სტ. ქალაქში, 4000 კაცი სადილობს სტუდენტთა სასაიდლოებში, სადაც ხელმისაწვდომ ფასებში იძლევიან ნოყიერ და კარგ ხარისხის სადილებს. სტუდენტთა 65% ღებულა სახ. სტიპენდიას 70 მანეთიდან 130 მანეთამდე, სტუდენტების თეატრალური და საკლუბო მომსახურება წელს მკვიდრ ნიადაგზე დგება, ვითარდება ფიზკულტურული მუშაობა. მაგრამ რაც გაკეთებულია ვერ აქმაყოფილებს გაზრდილ მოთხოვნილებებს. ჩვენ ძლიერ ბევრი ნაკლი გვაქვს:

ცუდაა დაუწყებელი სტუდენტობის კომპარტიული მომსახურება, არ ვარგა ჩვენი ბუფეტები, დიდი დეფიციტი გვაქვს საწოლებისა საცხოვრებლებში, რაც იწვევს აუტანელ პირობების შექმნას სტუდენტების მნიშვნელოვან ნაწილისათვის (200—250 კაცი); მწვავედ სდგას ტრამვის მიმოსვლის მოწყობის საკითხი; არსებული საცხოვრებლებში ვერ არის გაშლილი სათანადო მასიური — აღმზრდელობითი მუშაობა სტუდენტებს შორის ყოფა-ცხოვრებით საკითხებზე და სხვ.

ცეკას დადგენილებამ ნოვოჩერკასკის ინსტიტუტის შესახებ ფართო გამოძახილი ჰპოვა ტფილისის უმაღლეს სასწავლებლებში, კერძოდ ტფილისის სახ. უნივერსიტეტში. რექტორატმა და პარტკომმა გადაადგეს სერიოზული ნაბიჯები. ამ დღეებში ორჯონიკიძის სახ. პარტკომში უნივერსიტეტის კლუბში ჩატარებს თავის სპეციალურ პლენუმს, რომელიც განიხილავს სტუდენტობის ყოფ. ცხოვრებით პირობების გაუმჯობესების აქტუალურ საკითხებს და გამოიტანს სათანადო დადგენილებას.

სახ. უნივერსიტეტის ყველა ორგანიზაციები უნდა დაირაზმონ პარტკომის და რაიკომის ღონისძიებათა დაუწყონებლივ ცხოვრებაში გასატარებლად.

საათების გაცდენა სოციალისტური ქონების გაფლანგვაში გაცდენილია 9581 სტუდენტ.—საათი

მიმდინარე სასწავლო წელი წარმოადგენს სწავლების მაღალი ხარისხობრივი მაჩვენებლებისთვის ბრძოლის წელს. წარსული წლის მიღწევების განმტკიცებისა და ძველი დეფექტების აღმოფხვრის საფუძველზე, წელს კიდევ უფრო მაღალ საფეხურზე უნდა ავიყვანოთ სწავლების ხარისხი.

ეს კი შეუძლებელია პედაგოგიურ პერსონალსა და სტუდენტთა შორის დისციპლინის განმტკიცებისა და სამუშაო დღის მაქსიმალურად შემქმნელობის გარეშე. უნდა აღინიშნოს, რომ ამ დარგში ჩამორჩენა გვაქვს: სწავლის პირველი შედეგები გვიჩვენებს, რომ საქმიანდელია სტუდენტებისა და პედ. პერსონალის მიერ გაცდენილი საათების რაოდენობა. ოქტომბრის პირველი ორი ექვსდღიურის განმელობაში (1—12 ოქტომბრამდის) გაცდენილია პედ. პერსონალის მიერ 195 საათი, აქიდან საპატიო მიზეზით 88 საათი, არა საპატიოთი—107 საათი. გასული სასწავლო წლის ივნისში პედპერსონალის მიერ გაცდენილი საათების რაოდენობა ექვსდღიურში უდრიდა საშუალოდ 8 საათს.

ეს გარემოება გვიჩვენებს, რომ ზოგიერთი პროფესორ-ლექტორი ჯერ კიდევ არ გრძობს პასუხისმგებლობას თავისი მოვალეობისათვის და გულგრილად ეკიდება საკმეხს. მათ ერთხელ კიდევ უნდა მოვავანოთ, რომ სალექციო საათების გაცდენა უდრის სოციალისტური საკუთრების გაფლანგვას. პროფესორ-ლექტორების მიერ საათების გაცდენას არ ჩამოუვარდება საათების გაცდენა სტუდენტების მხრივ: 1-12 ოქტომბრამდის (ორი ექვსდღიური) გაცდენილია ყველა ფაკულტეტზე 9.581 სტუდენტ-საათი.

ცალკე ფაკულტეტების მიხედვით გაცდენები იძლევა შემდეგ სურათს:

- ეკონომიურ ფაკულტეტზე გაცდენილია (1-12 ოქტომბრამდის) — 4.119 სტუდ.-საათი.
- ლიტერატურულ ფაკულტეტზე — 1.840 სტ.-საათი.
- სამართლის ფაკულტეტზე — 808 სტუდ.-საათი.
- ისტორიულ ფაკულტეტზე — 788 სტუდ.-საათი.
- გეოგრაფიულ-გეოლოგიურ ფაკულტეტზე — 720 სტუდ. საათი.

ქიმიურ ფაკულტეტზე — 435 სტუდ. საათი.

ბიოლოგიურ ფაკულტეტზე — 412 სტუდ.-საათი.

ფიზიკურ-მათემატიკურ ფაკულტეტზე — 439 სტუდ.-საათი.

როგორც ვხედავთ გაცდენების „სარეკორდო ციფრებს“ გვაძლევს ეკონომიური და ლიტერატურული ფაკულტეტი. ცხადია, რომ სამუშაო საათების გაცდენა პროფესორ-ლექტორებისა და სტუდენტების მხრივ ხელს უშლის სასწავლო გეგმის შესრულებას.

უნივერსიტეტის პარტიულ-კომკავშირულმა, პროფესიონალურმა და სტუდენტთა ორგანიზაციებმა უნდა გაშალონ გადამწყვეტი ბრძოლა შრომის დისციპლინის განმტკიცებისა და სამუშაო დროის მაქსიმალურად შემქმნელობისათვის, სასტიკი ბრძოლა უნდა გამოუცხადოთ ლიბერალურ დამოკიდებულებას ლექციების გამცდენი პროფესორ-ლექტორებსა და სტუდენტების მიმართ.

უნდა მივალწიოთ იმას, რომ აღმოფხვრათ გაცდენა-დაგვიანება და ბოლშევიკურ სიმამლზე ავიყვანოთ შრომის დისციპლინა სახ. უნივერსიტეტში.

შ. ძ.

საპანაზღაპროთ გაცდენილი საათები

საბუნებისმეტყველო ფაკულტეტზე სასწავლო წელს მომზადებულად შეგვდა ბოტანიკის, ზოოლოგიისა და გეოგრაფიის კათედრა. დროულად დაიშვა და დაყვანილ იქნა თითოეული სტუდენტამდის სასწავლო გეგმები და პროგრამები. მეცადინეობაც ყველა კურსზე ნორმალურად მიმდინარეობს შემდეგ საგნებში: ბოტანიკაში (თეორია და პრაქტიკა), ზოოლოგიაში და გერმანულში; მაგრამ ზოგიერთ საგნებში 8 ოქტომბრამდის სრულიად არ შემდგარა ლექციები, ეს საგნები:

ბოტანიკის პოლიტიკა (გაცდა 10 საათი), ანალიზი (გაცდა 8 საათი), გეოლოგია (გაცდა 6 ს.). აღნიშნული საგნების საათებში სტუდენტები ლექტორის მოლოდინში კარგავენ დროს.

ამ მდგომარეობას ყურადღება უნდა მიექცეს, ანაზღაურებულ უნდა იქნას გაცდენილი საათები, რათა პროგრამით გათვალისწინებული მასალა დაძლეულ იქნას სტუდენტობის მიერ და მთლიანად შესრულდეს სასწავლო გეგმა.

ი. ოკუჯავაძე.

საკ. კ. პ. (ბ) ა.-კ. სამხ. კომიტეტში

საპ. კ. პ. (ბ) წინსვალური პოპულარული ნოვოჩერკასკის ინდუსტრიული ინსტიტუტის შესახებ მიღებული დადგენილების თაობაზე

საკ. კ. პ. (ბ) ა.-კ. სამხარეო კომიტეტმა, რომელიც განსაკუთრებით დიდ მნიშვნელობას აძლევს საკ. კ. პ. (ბ) ცენტრალური კომიტეტის დადგენილებას ნოვოჩერკასკის ინდუსტრიული ინსტიტუტის შესახებ, დაავალა რესპუბლიკების კ. პ. (ბ) ცენტრალური კომიტეტებს, პარტიის საოლქო, საქალაქო და სარაიონო კომიტეტებს დაამუშაონ საკ. კ. პ. (ბ) ცენტრალური კომიტეტის დადგენილება ნოვოჩერკასკის ინდუსტრიული ინსტიტუტის შესახებ უმაღლეს ტექნიკური სასწავლებლების, უმაღლესი სასწავლებლებისა და ინსტიტუტების ყველა პარტორგანიზაციაში.

საკ. კ. პ. (ბ) ცენტრალური კომიტეტის აღნიშნული დადგენილების დამუშავება უნდა დაუკავშირდეს უმაღლეს ტექნიკური სასწავლებლების, უმაღლესი სასწავლებლებისა და ინსტიტუტების მუშაობის შემოწმებას; მიღებულ უნდა იქნას პრაქტიკული ღონისძიებანი სტუდენტობის მატერიალურ-საყოფაცხოვრებო მდგომარეობისა და კულტურულ-პოლიტიკური მომსახურების გადამკრით გასაუმჯობესებლად.

რას უნდა გავხად 10 საათი?

ენისა და ლიტერატურის ფაკულტეტთან არსებობს უცხო ენისა და ლიტერატურის სპეციალური სექცია. აღნიშნულ სექციაზე დარჩენილია მხოლოდ მე-3 და მე-4 კურსის (მხედველობაში არ გვაქვს ახლად გახსნილი სამწლიანი კურსები). მაგრამ აღნიშნულ კურსს ძალზე სუსტი ყურადღება ექცევა ფაკულტეტის მხრივ.

ყველასათვის ცხადია, თუ რადიდი მნიშვნელობა აქვს უცხო ენების შესწავლას, მაგრამ თუ უცხო ენების მე-3 და მე-4 კურსზე ისე გაგრძელდა მუშაობა, როგორც დღემდის არის, სასურველ შედეგს ვერ მივიღებთ.

აღნიშნულ კურსზე ადგილი აქვს სასწავლო საათების ხშირ გაცდენებს, განსაკუთრებით ენებში; ასე მაგალითად: გერმანულ ენაში 14 ოქტომბრამდის უნდა წაკითხულიყო 12 საათი, წაკითხულ იქნა—2 საათი; გაცდა 10 საათი (ლექტორი ა. ჭეიშვილი). ამასთან ერთად ადგილი აქვს ენის სწავლების შეუფასებლობას იმ მხრივ, რომ ჯერ ერთი—ენისათვის გათვალისწინებულია მეტად მცირე რაოდენობის საათები, (4 საათი ექვსდღიურში), მეორე მხრივ—ეს საათები შეტანილია სამუშაო დღის უკანასკნელ საათებში, უმეტესად საღამოს 10—11 საათამდის. ეს ისეთი დროა, როცა სტუდენტობა მთელი დღის მუშაობის გამო დაღლილია და ამიტომ შეთვისების ხარისხიც დაბალია.

ჩვენ მოვიტხოვთ გადიდდეს საათების რაოდენობა უცხო ენებში, წაკითხულ იქნას ევროპის მე-17 მე-18 საუკ. ისტორია და დამატებით ლიტერატურის მკოდნობა.

მ. დავითაშვილი

უნივერსიტეტის ხელმძღვანელობამ მეცნიერების მუშაკთა სასაღილოს განხილვით დიდი საქმე გააკეთა. მაგრამ დახე უბედურებას, სასაღილოს ზოგიერთი მუშაკები აშკარად ვერ ამართლებენ იმედს.

ამის უშუალო მიზეზად მიგვაჩნია სასაღილოს გამგის ჯონანის სუსტი მუშაობა. ჯერ ერთი, ჯონანს ვერ ნახავთ სასაღილოში, მეორე, მისი ინიციატივით შექმნილა ჩეკების გაცემის ისეთი სისტემა, რაც თვითნებურ მოსაღილეს აკარგვინებს ერთ საათზე მეტს.

საქმე იმაშია, რომ ჩეკების გამოწერა დავალდებული აქვს საღილების ერთ-ერთ ძიმიტანს. ის ყველა მოსაღილეს ერთდროულად ვერ წვდება და მოსაღილები მას უკან დასდევენ. ამის გამო იქმნება საშინელი ქაოსი, ხმაური და მთელი უწყისრიობა. ჩეკიც რომ იყოს საღილის მოტანის რედაქციის ნაწილი საათზე მეტი ხნითაა შეშინებული, როდესაც მოლოდინში, საღილები სრულებით თავდება და ბევრი რჩება უსაღილოდ. ნორმალურად საღილების გაცემის დრო განსაზღვრული საათების განმავლობაში უნდა მიმდინარეობდეს. ამ სასაღილოშიც თითქმის ასეა. საღილების გაცემა იწყება 3-დან 5 საათამდე.

მაგრამ რა? თუ ცოტა დაივიწყებდა, 3 საათის ნაცვლად მოდიოდა 4 საათზე „საღილები უკვე გათავდა“-ო გაიგებთ. ჩვენ ვფიქრობთ, რომ აქ ყველაფერი გამგის „ფოკუსება“-ს. თუ სასაღილო სასაღილო იყოს. თუ არა და დროს ტყვეობა ნუ გვაკარგვინებთ. რაც შეეხება სასაღილოს გამგეს ამ არგვდარევისათვის მას პასუხი უნდა მოეთხოვოს.

მოსაღილე.

სისუფთავე ჯანმრთელობის საწინდარია

უკანასკნელ ხანებში საგრძობლად გაუმჯობესდა სახელმწიფო უნივერსიტეტის სტუდენტთა მატერიალურ-საყოფაცხოვრებო პირობები, გაიზარდა სტიპენდიების რაოდენობა და სტიპენდიანტთა რიცხვი, გაუმჯობესდა სტუდენტთა მდგომარეობა საერთო საცხოვრებელში და სხვ.

მიუხედავად ამისა ჯერ კიდევ თვალსაჩინო ნაკლებობებს აქვს ადგილი.

აღნიშნოთ ზოგიერთი ფაქტი:

1. საერთო საცხოვრებელში უსუფთაობაა, არ არის საკმარისი მოვალეობები პირობები, არ ხდება სისტემატური დასუფთავება კორპუსებისა, აივნებისა, საპირფარეშოებისა. მაგ. ოქტომბრის 11 საშინელი უსუფთაობა იყო მე-7 კორპუსის საპირფარეშოში. უსუფთაოდ არის აგრეთვე მე-8 კორპუსის საპირფარეშო. სტუდენტებს არა აქვთ ტაშტები, რის გამო ვერ ხერხდება საღილობით ფეხის დაბანა, სისტემატურად არ არის კორპუსებში წყალი, ოთახებს არა აქვს მოწყობილი ტანსაცმელის საკიდი, მაგიდებს არაფერი აქვთ გადაფარებული და სხვ.
2. კორპუსებში ღამის 1-ლ საათამდის აურზაური და ხმაურობა. კომენდანტი ამ მდგომარეობას არ აქცევს ყურადღებას. არ არის დაცული დასვენების ნორმები.

სახელმწიფო უნივერსიტეტს აქვს ყოველგვარი შესაძლებლობა იმისათვის, რომ არსებული დეფექტები დროზე იქნას აღმოფხვრილი.

ნოვოჩერკასკის ინდუსტრიალური ინსტიტუტის შესახებ

საგ. კ. პ. (ბ) ცენტრალური კომიტეტი აღნიშნავს, რომ იმ ზომების შედეგად, რომლებიც პარტიის ცენტრალურმა კომიტეტმა მიიღო უკანასკნელი ორი წლის განმავლობაში უმაღლესი ტექნიკური სასწავლებლების და უმაღლესი სასწავლებლების მუშაობის გასაუმჯობესებლად (გადაწყვეტილებანი სკოლის, სტიპენდიებისა და საერთო საცხოვრებლების, საზოგადოებრივი დატვირთვის, ღირებულოთა როლის და ავტორიტეტის გაძლიერების და სხვ. შესახებ) მიღწეულია მთელი რიგი წარმატებები სწავლების დაქვემდებარებაში, სასწავლო დისციპლინის განმტკიცებისა და მოსწავლეთა მატერიალურ-საყოფაცხოვრებო მდგომარეობის და კულტურულ-პოლიტიკური მომსახურების გაუმჯობესების სფეროში.

ამასთან ერთად ცენტრალური კომიტეტი აღნიშნავს, რომ ბოლო დროს ზოგიერთმა ადგილობრივმა პარტიულმა ორგანიზაციამ საგრძობლად შეახუსტა თავისი ყურადღება სტუდენტების ყოფაცხოვრების საკითხებისადმი.

ეს განსაკუთრებით თვალსაჩინოა ვანა ნოვოჩერკასკის ინდუსტრიალური ინსტიტუტის გამოკვლევის დროს, რაც ჩაატარეს საგ. კ. პ. (ბ) სამრეწველო განყოფილებამ და პარტიული კომიტეტის ორგანიზაციის რწმუნებულმა აზოვ-შავიზღვის მხარეში.

ნოვოჩერკასკის ინდუსტრიალური ინსტიტუტში ელემენტარულ მწარუხველობასაც კი არ იხიენ სტუდენტთა საპირობებზე. საერთო საცხოვრებელი განსაკუთრებით უმსახურესი მდგომარეობაშია, შეუკეთებელი და მოუწყობელია, ჩამატრეული მინების ჩასმა თვებით ჭიანჭურდება, არ არის პირსაბუნებში, არ არსებობს მინიმალური ელემენტარული პირობები სტუდენტთა მუშაობისა და დასვენებისათვის.

არ არის მოწყობილი მასობრივი აღმზრდელობითი მუშაობა სტუდენტებს შორის, არც ერთ საერთო საცხოვრებელში, ისე როგორც თვით ინსტიტუტში.

შიაც, არ მოიპოვება მხატვრული ლიტერატურის ბიბლიოთეკა. ინსტიტუტში, სადაც სწავლობს 2.000-ზე მეტი სტუდენტი, არაფერი არ კეთდება იმისათვის, რომ კულტურულად მოაწყონ სტუდენტთა დასვენება, მოაწყონ სპორტი.

ამის შედეგად ცალკეულ სტუდენტებს შორის თავი იჩინა ავადმყოფობა მოვლენებმა (ლოთობა, საყოფაცხოვრებო გახრწნა და სხვ.).

საგ. კ. პ. (ბ) ცენტრალური კომიტეტი სთვლის, რომ ასეთი მდგომარეობა ინსტიტუტში შეიქმნა იმიტომ, რომ ინსტიტუტის დირექტორმა პარტიკოვმა ვერ შეიქმნა სტუდენტური ახალგაზრდობის აღზრდის პასუხისმგებლობა და სირთულე. პარტიკოვს არ აინტერესებდა სტუდენტთა ყოფა-ცხოვრება, იგი არ ამოწმებდა საერთო საცხოვრებლების მდგომარეობას, ფორმალურად ეკიდებოდა სტუდენტთა კანონიერ საჩივრებს, სტიპენდიების ართმევდა სტუდენტებს ისე, რომ არ არკვევდა სწავლაში მათი ჩამორჩენის მიზეზებს, პარტიკოვმა ინსტიტუტში ვერ შექმნა ისეთი პირობები, რომ თვითნებურ სტუდენტს შეეძლოს მივიდეს მასთან თავისი სწავლის და ყოფა-ცხოვრების მტკივნეული საკითხების გადასაჭრელად.

მხოლოდ ინსტიტუტის ბიუროკრატიული ხელმძღვანელობის დროს შეიძლება ადგილი ჰქონოდა ისეთ აღმავლობებულ შემთხვევებს, როცა დირექტორის მოადგილე ადმინისტრაციულ-სამეურნეო ნაწილში კოლოფიკი თავის კაბინეტიდან აძევებდა სტუდენტებს, რომელნიც მას მიმართავდნენ თავის საყოფაცხოვრებო საკითხებზე.

საგ. კ. პ. (ბ) ცენტრალური კომიტეტი განსაკუთრებით აღნიშნავს, რომ მთელი ეს უმსგავსოება დარჩა ინსტიტუტის პარტიული ორგანიზაციის ხელმძღვანელობის ყურადღების გარეშე, ხოლო პარტიკოვის მდივანმა გრეჩკომ ვერ შესძლო ყოველდღიური მონიტორინგით პარტიულ-მასობრივი მუშაობის მოწყობა სტუდენტთა შორის და არავითარ ბრძოლას არ აწარმოებდა სტუდენტთა მოთხოვნებისადმი არაფულისხმიერი და უხელდახელ დამოკიდებულების ფაქტებთან.

საგ. კ. პ. (ბ) აზოვ-შავიზღვის სამხარეო კომიტეტის სამრეწველო-საბრუნავ-პარტიკოვმა განყოფილებას (რიაბოკინი) და ნოვოჩერკასკის რაიკომს (ლიაშჩენკო) მხედველობიდან გამოეპარათ პარტიულ-მასობრივი მუშაობის ჩაშლა ინსტიტუტში, ისინი არ ამოწმებდნენ სტუდენტთა მატერიალურ-საყოფაცხოვრებო და კულტურულ-პოლიტიკური მომსახურების მდგომარეობას და ხელმძღვანელ სამუშაოზე ინსტიტუტში ავანტიდნენ უვარგის და შემთხვევით აღამიანებს (ვოლოვიკი, რულევი).

მძიმე მრეწველობის სახალხო კომისარიატის სასწავლებელთა მთავარ სამმართველოს უფროსმა ანხ. პეტროვსკიმ ჩაატარა მთელი რიგი ინსტიტუტების ფორმალური გაერთიანება ნოვოჩერკასკის ინდუსტრიალური ინსტიტუტში, ვერ უზრუნველყო ინსტიტუტი კვალიფიციური ხელმძღვანელი კადრებით, ვერ მოამზადა საჭირო მატერიალური ბაზა და არ აწარმოებდა მძიმე მრეწველობის სახალხო კომისარიატის ერთერთი უდიდესი სასწავლებლის ყოველდღიურ ხელმძღვანელობას.

საგ. კ. პ. (ბ) ც. კ-ი ადგენს:

1. სტუდენტთა ყოველდღიური საპირობებისადმი უხელდახელ დამოკიდებულებისა და თავის გაბიუროკრატიზებული და გახრწნილ თანამშრომელთა მუშაობისადმი კონტროლის სრულიად გაუწყველობისათვის მოიხსნას სამუშაოდან ინსტიტუტის დირექტორი პარტიკოვი.
2. სტუდენტთა შორის ავადმყოფობის მოვლენებთან ბრძოლის გაძლიერებაში უნარის გამოყენებისა და ინსტიტუტში მასობრივი აღმზრდელობითი მუშაობის გაუწყველობისათვის მოიხსნას სამუშაოდან პარტიკოვის მდივანი გრეჩკო.
3. პარტიიდან გამორიცხული ვოლოვიკი (დირექტორის მოადგილე სამეურნეო ნაწილში) და რულევი (საერთო საცხოვრებელთა მმართველთა) ინსტიტუტის მეთრ-

ნების ჩაშლისა და საერთო საცხოვრებელთა უმსგავსო მდგომარეობისათვის სამართალში იქნან მიცემული.

4. წინადადება მიეცეს მძიმე მრეწველობის სახალხო კომისარიატს შეუდგეს ინსტიტუტის საერთო საცხოვრებელთა რემონტს და მოწყობას და მოამზადოს ისინი ზამთრისათვის.

5. დაევალოს საგ. კ. პ. (ბ) აზოვ-შავიზღვის სამხარეო კომიტეტს განამტკიცოს ინსტიტუტის პარტიული ორგანიზაციის და კომკავშირის ხელმძღვანელობა.

6. გაიზავნოს ნოვოჩერკასკში მძიმე მრეწველობის სახალხო კომისარიატის სასწავლებელთა მთავარ სამმართველოს უფროსი ანხ. პეტროვსკი სასწავლო წლის ნორმალური გაშლისათვის ადგილობრივ საჭირო ზომების მისაღებად.

საგ. კ. პ. (ბ) ც. კ-ი სამხარეო კომიტეტების, საოლქო კომიტეტების და ნაცკომპარტიათა ცენტრალური კომიტეტების ყურადღებას მიაქცევს იმაზე, რომ ნოვოჩერკასკის ინდუსტრიალური ინსტიტუტში გამოაშკარავებულ ავადმყოფობის მოვლენებს ვხვდებით სხვა ინსტიტუტებშიც (სტალინგრადის მექანიკურ, ვიატის ზოოვეტერინარულ, ოდესის სასოფლო-სამეურნეო და სხვა ინსტიტუტებში).

საგ. კ. პ. (ბ) ც. კ-ი სამხარეო კომიტეტების, საოლქო კომიტეტების და ნაცკომპარტიათა ცენტრალური კომიტეტების წინაშე, პირველ რიგში კი სამრეწველო სატრანსპორტო, სასოფლო-სამეურნეო და კულტროპგანყოფილებათა წინაშე, აყენებს ამოცანას—გადაჭრით გააძლიერონ ყურადღება სტუდენტების მატერიალურ და კულტურულ პოლიტიკური მომსახურების სასწავლო დისციპლინის გამტკიცების, ხელმძღვანელი კადრების შერჩევის და მათი მუშაობის სისტემატური შემოწმების საკითხებისადმი და უზრუნველყონ სასწავლებელთა დირექტორების როლისა და ავტორიტეტის ამაღლება.

სასაღილოა თუ „ბრძოლის ვალი“?

სტუდენტთა ქალაქის სასაღილოში დღემდის მოუგვარებელია საღილების წესიერად გაცემის საქმე.

სასაღილოში მოწყობილია ჩაის მექანიკური ამღვლებელი მანქანა, აგრეთვე მექანიკურად არის მოწყობილი საჭმლის დამამზადებელი ქვაბები, საკმარისია სასაღილოს დარბაზები სტუდენტთა რაოდენობისათვის, სასაღილოს აქვს 4 ჩეკების გასასყიდი სალარო და სხვ. მიუხედავად ამისა საღილოს გაცემის საქმე დღემდის კიდევ მოუგვარებელია, რაც უნდა მიეწიროს სასაღილოს ხელმძღვანელი ანხანაგების დაუდევრობას. ვალაპარაკოთ ფაქტები:

სასაღილოში საღილის გაცემას იწყებენ დღის 1-ლ საათზე მაშინ, როცა სტუდენტობის უმრავლესობა ლექციებზეა, 2-3 საათზე ლექციებიდან დაბრუნებული სტუდენტები კი უსაღილოდ რჩებიან.

სასაღილოში შემოღებულია აბონემენტების სისტემა, რაც იმას გულისხმობს, რომ რამდენიც აბონემენტითა გაცემული, იმდენი საღილი უნდა დამზადდეს. სინამდვილეში კი 2-3 საათზე აბონემენტის სტუდენტებისათვის საღილი არ არის. აბონემენტის სისტემა მხოლოდ ფორმალურ ხასიათს ატარებს. სასაღილოში ადგილი აქვს უსუფთაობას, რაც უმთავრესად გამოიხატება იმაში, რომ ერთი სტუდენტის მიერ უკვე ნახმარ ჩანაგას და კოვზს უბრალოდ ტილოს გასმის შემდეგ გაურეცხავად აძლევენ მეორე მოსაღილე სტუდენტს; ქიქების და წყლის დოქების გარეცხვას ხომ ლაპარაკი ზედმეტია.

(სტუდენტთა ქალაქი) საერთო საცხოვრებელში ჯერ კიდევ არ არის დაცული სისუფთავე. მე-8 კორპუსის მეორე საართულზე გაფუჭებულია საპირფარეშო, რომელიც მყარად სუნს უშვებს. რას აკეთებს დამლაგებელი? ის „გაჯავრებულია“ თურმე სტუდენტებზე და ამიტომ არ წმენდს საპირფარეშოებსა და ოთახებს.

სულ მდგომარეობაშია პირსაბუნებიც. 8 კორპუსის II საართლის პირსაბუნში ყოფილია ჯოხები, რომლებიც წყალს აჩერებს და პირსაბუნს აფუჭებს, მაგრამ გაწმენდაზე არავინ ფიქრობს. გასულ წელს ყველა ოთახში ჰქონიდა საწმენდი ტილოები, წელს კი თითქმის არც ერთ ოთახში არ არის ასეთები (7 კორპუსის 46, 40 და 24; 8 კორპ. 15, 17, 24 და 54 ოთახებში), თუ არის საღმე, ისიც დახეულია (7 კორპ. 56 ოთახში და სხვაგან). ბევრ ოთახებში ჩამტვრეულია მინები (8 კორპუსის 4 ოთახ; 7 კორპ. 36 ოთახ. და 6 კორპუსის 44 და 31 ოთახებში). რას ფიქრობს სტუდ. ქალაქის სამმართველო? ზოგ ოთახში აკლიათ ტახტებიც (7 კორპ. 50 ოთახ. და 8 კორპ. 15 ოთახში), რის გამო ერთ ტახტზე ორი სტუდენტი წვივა, ზოგან კიდევ ტახტები გატეხილია და გაფუჭებული (8 კორპ. 17 ოთახი).

ძალიან სივიწროვია ოთახებში. პატარა ოთახში 7-8 კაცი ცხოვრობს. ერთ საზიზარ მოვლენასაც ჰქონდა ადგილი. 10 ოქტომბერს 7 მეტრი საკაბე მატერიალმპარეის სტუდ. ელ. მიქელა-შვილს და 10 მან. ფული სტუდ. გურგენიძეს. იმ წუთში ეს ამბავი ეცნობა კომენდატურას, მაგრამ ზომები არ ყოფილა მიღებული.

უფრო მეტი მზრუნველობა და ყურადღება სტუდენტთა საერთო საცხოვრებელში, რათა ისინი გადავაქციოთ ნამდვილი კულტურულ ყოფა-ცხოვრების კერად.

კ. დავითაძე

მიუხედავად იმისა, რომ სასაღილოს 4 სალარო აქვს, მოუწყვრობლობისა და უთავბოლოობის გამო დიდი რიგები იქმნება.

მომტანი ქალების უვარგისობით და უთავბოლო მუშაობით ბევრჯელ ყოფილა გამოწვეული შელაპარაკება და აურზაური.

ყველაფრის ამის შესახებ რომ სასაღილოს დარბაზების გამგეს ანხ. ჰაჭანიძეს მოახსენოთ, ის გიპასუხებთ: „რა ჩემი საქმეა“, დაბრძანდით და საღილს მოგიტანენო. დაჯდები.... მაგრამ, რომ იჯდე ოთხი საათი, კაცი ყურადღებებს არ მოგაქცევს, თუ ცოტათი „თავი არ გამოიჩინე“ და არ იყვირე. ერთი სიტყვით საღილობა მხოლოდ დიდი ბრძოლის შედეგათ შეიძლება.

სასაღილოს აქვს შესაძლებლობა სტუდენტებს მიაწოდოს დილით ჩაი, მაგრამ ნაცვლად ამისა ჩაის ადუღებას იწყებენ 8 საათზე და გაცემას კი 9 საათზე, როცა უკვე თითქმის ყველა სტუდენტი ლექციებზეა, სამხედრო ფიზკულტურულ ვარჯიშობაზე ადრე მიმავალ სტუდენტებზე ხომ ლაპარაკი ზედმეტია.

სტუდენტთა ქალაქის სასაღილოს გააჩნია ყოველგვარი ობიექტური პირობები იმისათვის, რომ დაქმნაყოფილებულ იქნენ სტუდენტები წესიერად, როგორც საუზმით, ისე საღილითა და ვანშით. მაგრამ ამ არსებულ პირობებს სასაღილოს ხელმძღვანელი ანხანაგები ვერ იყენებენ.

კვების მუშაკებად საჭიროა უფრო ცოცხალი აღამიანები.

ი. ცანაფა.

შეიძლება მეტის გაკეთება

პროფ. შ. ნუცუბიძე



მე მიმაგრებულ ვიყავი განათლების სექციის სადებუტატო მუშაობის დეცენტრალიზაციასთან დაკავშირებით და მუშაობის ცენტრის თვით საწარმოოსთან ამ შემთხვევაში უნივერსიტეტთან დაკავშირებით, ჩვენი მუშაობაც გაიშალა ადგილობრივ მეპირად და შევდიოდით ადგილობრივ სადებუტატო ჯგუფის ხელმძღვანელ ორგანოში, ვიყავი თავმჯდომარის მოადგილე, რამდენჯერმე დამევალა საერთო კრებაზე მოხსენებით გამოსვლა უნივერსიტეტის შინაგან საქმიანობასთან და-

კავშირებით რაც კიდევ შევასრულე.

როდესაც სტუდენტობის მდგომარეობისა და მათი ყოფაცხოვრების გაუმჯობესების კამპანია გაიმართა, მე გამოყოფილი ვიყავი ამ კომისიაში და მონაწილეობას ვიღებდი, როგორც გამოკვლევაში, ისე კომისიის სხდომებსა და მუშაობაში.

ასევე ჩავატარეთ ფინანსური რესურსების მობილიზაციის კამპანია, მე დამევალა მეცნიერ თანამშრომელთა საერთო სხდომასა და აგრეთვე, ჩვენი დადგენილების გამო, ტფილისის საბჭოს გაერთიანებულ საჯარო სხდომაზე გამოხსენება. ვიღებდი მონაწილეობას კულტურულ-განმანათლებელ მუშაობაში. ვფიქრობ შეიძლება მეტის გაკეთება, რომ არ ვყოფილიყავი მეტად დატვირთული აკადემიური მუშაობით.

რა არის ჩემი მუშაობის ნაკლი

პროფ. შ. თაყაიბაშვილი (თაყაიბაშვილი)



მე, როგორც ქალაქის მე-4 ორჯონიკიძის სახელობის სარაიონო საბჭოს განათლების სექციის ბიუროს წევრს, მუშაობა მიხდებოდა ამ რაიონის ზოგიერთი სკოლის „ძირითადი ნაკლის“ აღმოსაფხვრელად, ს. კ. პ. (ბ) ც.—კ. 1931 წლ. 5 სექტემბრისა და 1932 წლ. 25 აგვისტოს დადგენილების საფუძველზე. ამ ამოცანის შესასრულებლად ვღებულობდი მონაწილეობას სკოლების სასწავლო მეთოდოლოგიური მუშაობის შემოწმებაში და ამ შემოწმებათა შედეგების დამუშავებაში. სკოლებიდან მიღებული კონკრეტული მასალების საფუძველზე ორჯერ ვავაკეთე სათანადო მოხსენება რაიონის მასწავლებელთათვის.

კარლ-მარქსის გარდაცვალებიდან 50 წლის თავის აღსანიშნავად, ჩვენი რაიონის განათლების განყოფილების დავალებით, ჩავატარე მოხსენება—საუბარი ამ რაიონის მასწავლებლებთან.

ვეალიფიკაციის ამალგების მიზნით სექციის ბიურომ დამევალა მეწარმოებია მასწავლებლებთან სათანადო კონსულტაცია პედაგოგიური პროცესის სხვადასხვა საკითხებზე, განსაკუთრებით კი პოლიტექნიკისა და მეთოდის დარგში. ასეთი კონსულტაციები ჩემს მიერ რეგულარულად ტარდებოდა და ეხლაც ვატარებ.

ჩემი მუშაობის ნაკლად მიმაჩნია ის, რომ იშვიათად დავდიოდი (დროის უქონლობის გამო) საბჭოს სხდომებზე და აგრეთვე ვერ ვღებულობდი აქტიურ მონაწილეობას განათლების განყოფილების პედაგოგიური კაბინეტის მუშაობაში, რომელზეც მე ვიყავი მიმაგრებული სექციის მიერ.

ოპერატიულობა მუშაობაში

შ. კალანდარიანი



მე-17 პარტიული ობიექტის ისტორიული გადაწყვეტილება პარტიული პროფკავშირული და საბჭ. ორგანოების მუშაობის გარდაქმნის შესახებ, ავალეს თითოეულ ჩვენგანს განსაკუთრებულ პასუხისმგებლობას, მეტ ოპერატიულობასა და კონკრეტულობას მუშაობაში. საბჭოს თითოეული დებუტატი უნდა გრძობდეს ამას, მას უნდა ჰქონდეს კონკრეტული გეგმა იმ ამოცანებიდან გამომდინარე ვალდებულების სახით, რომლებიც დასახულია ტფილისის საბჭოსა თუ რაისაბჭოების წინაშე.

მქონდა რა გათვალისწინებული ყველაფერი ეს ჩემს მუშაობაში, როგორც დებუტატმა შევასრულე: ორჯონიკიძის რაისაბჭოსა და ამავე რაიონის 4 სადებ. ბიუროსაგან პერიოდულად ვღებულობდი სხვადასხვა დავალებებს; მაგ. მივიღე მონაწილეობა (ბრიგადირის სახით) კულტ. ლაშქრობაში რაიონის მამულებით, ვაწარმოებდი მუშაობას სახანძრო ერთთვიურში, სადაც პირადად შევათავსე 17 სახლი და მათი მუშაობა. მიმაგრებული ვიყავი (და ვარ ამჟამად) სამხედრო ქუჩაზე № 6, 5, 11, 13 და 20 სახლებზე მუდმივი კონტროლისა და მეთვალყურეობისათვის. სისტემატურად ვასრულებდი უნივერსიტეტის დებ. ჯგუფის დავალებებს, ვესწრებოდი რაიონისა და ტფილისის საბჭოს პლენუმს.

მიუხედავად ამისა ჩემს მუშაობას მაინც ახლავს ნაკლი, რაც იმაში მდგომარეობს, რომ ვერ ვუწევ სისტემატურ კონტროლს ჩემს მიერ აღებულ ვალდებულებების შესრულებას, არ ვაწარმოებდი მკვეთრ კრიტიკას დებ. ჯგუფის მუშაობის სუსტი მხარეების გამოსწორებისათვის, სუსტად მაქვს გაშლილი მუშაობა სტუდენტთა შორის საბჭოს როლისა და ამოცანების შესახებ და სხვ.

სატიაშვილი ვლადიმერი, ლალი-ვეი ლუსია და სხვ.

ჩვენი მუშაობის მთავარი ნაკლი გასულ წელს მდგომარეობდა იმაში, რომ არ გვყავდა ადგილებზე (ცალკეულ აკადემიურ ჯგუფებში) სოც. შეჯიბრება—დამკვერლობის სპეციალური აღმრიცხველი ბრიგადები, რის შედეგად შემოწმება კამპანიურსა და ფორმალურ ხასიათს ატარებდა.

ამჟამად ფაკულტეტზე მიმდინარეობს სოც. შეჯიბრება—დამკვერლობის ხელახალი გაშლა.

3. შამშია. 3. კეკელიძე.

მუშაობა დავიწყე 1932 წლიდან

ალ. გომოლაშვილი



საბჭოს ხაზით მუშაობა დავიწყე 1932 წელს (1932 წელს ა. ლ. კ. კ. ორგანიზაციის მიერ გადარიცხული ვიქენი დებ. საბჭოს აქტივში). 1932 წლიდან სისტემატურად ვესწრები საბჭოს სხდომებს, ვიღებ მონაწილეობას სხდომებზე საკითხების განხილვაში. 1932 წელს მომცეს დავალება (აქტივთან ერთად) გამოემრკვია სტუდენტთა ქალაქში სტუდენტების ყოფა-ცხოვრება, რაც მე შევასრულე და გამოაკვევის ყოველგვარი საბუთები წარვუდგინე დებ. ჯგუფს.

დებ. ჯგუფის მიერ გავზახნილი ვიყავი ორჯონიკიძის სახელობის რაისაბჭოში კერძო მცხოვრებლებში ობლიგაციების გასაწოდებლად, რაზედაც სამი დღის განმავლობაში ვმუშაობდი და დავალბეა შესრულებულ იქნა მოცემული ლიმიტის მიხედვით.

1933 წელს პარტიკომისა და დებ. საბჭოს დავალებით გამოემრკვია უნივერსიტეტთან არსებული დახურული განმანათლებელი.

1934 წლის იანვარში საბჭოს პეივი წევრებიდან, როგორც საბჭოს დავალების სისტემატურად შემსრულებელი, ვაღამიყვანეს რაისაბჭოს წევრად, სადაც მუშაობა დავიწყე 1934 წლის თებერვალში, ამავე დროს შევყვანილ ვიქენი უნივერსიტეტის საბჭოს სადებუტატო ჯგუფის ბიუროში, სადაც დამევალა დებ. ჯგუფის ბიუროს თავმჯდომარის მოადგილეობა.

ვირიცხები ორჯონიკიძის სახელობის რაისაბჭოს განათლების სექციის წევრად. სისტემატურად ვესწრები აღნიშნულ სექციის სხდომებს. სექციის მიერ მიმაგრებული ვიყავი ერთერთ შრომის სკოლაზე (ქაბჯავაძის ქუჩა 10 №-ში). ახალი სასწავლო წლის მზადებასთან დაკავშირებით ჩატარებული მუშაობის შესახებ შევადგინე წერილობითი მოხსენება, რომელიც ჩაბარებული აქვს განათლების განყოფილებას.

ამჟამად ვმუშაობ საბჭოს საგადარჩევო კამპანიასთან დაკავშირებით ტფილისის სახ. უნივერსიტეტთან არსებული საბჭოს სადებუტატო ჯგუფის ბიუროში.

ჯილდო აქტიურ მუშაობისათვის

სტუდ. შ. შარუხია



1931 წლიდან ვარ ორჯონიკიძის რაისაბჭოს საფინანსო სექციის ბიუროსა და სახ. უნივერსიტეტის ბიუროს წევრი. მე, როგორც დებუტატი, ვასრულებდი შემდეგ მუშაობას:

1. სისტემატურად ვასრულებდი როგორც საფინანსო სექციის ბიუროს, ისე ადგილობრივ დებ. ჯგუფის მიერ მოცემულ ყოველგვარ დავალებებს.

კერძოდ საბჭოს საფინანსო ხაზით მქონდა მოცემული გამოსარკვევად რამდენიმე წარმოება—დაწესებულება, თუ როგორ მიმდინარეობდა იქ ფულადი სახსრების მოზილზაცია. გამორკვევის მასალები წარვადგინე საფინანსოში, გამოვარკვეე რამდენსამე წარმოებაში სესხის დამხმარე კომისიის მუშაობა, შევამოწმე პასივი საბჭოს წევრების მუშაობა ორჯონიკიძის რაიონის მამულებით, რის შედეგებიც ვაცნობე პრეზიდიუმს და სხვ.

აქტიური მუშაობისათვის ორჯონიკიძის სახელობის რაისაბჭოს საფ. სექციამ დამაჯილდოვა ფულით. ორჯერ მაღლობა გამომიცხადა სახ. უნივერსიტეტის დებ. ჯგუფმა.

უამოწყობის შედეგები

ისტორიულ-ლიტერატურულმა ფაკულტეტმა 1933-34 სასწავლო წელს მიიღო საშუალო ნიშანი 4,1, ამ უდიდეს წარმატებას ფაკულტეტმა მიაღწია სოც. შეჯიბრება—დამკვერლობის სწორი ორგანიზაციის და მისი ფართოდ გაშლის საფუძველზე. აწარმოა რა ნაკისრ ვალდებულებათა სისტემატური კონტროლი და შემოწმება, ფაკულტეტმა მიიღო სემესტრის ბოლოს შემდეგი მაჩვენებლები: სოც. შეჯიბრებაში ჩაბმული იყო სტუდენტთა 100 პრ., დამკვერლობაში 59,2 პრ. შემოწმების შედეგად დამკვერლობას ამართლებს 61,1 პრ. სოც. შეჯიბრებაში ნაკისრ ვალდებულებებს ამართლებს 93,2 პროც.

შემოწმებულ იქნა 17 აკადემიური ჯგუფი, ამათგან 9 ჯგუფი ჩამოშლილი იყო დამკვერლობაში—8 ჯგუფი კი სოც. შეჯიბრებაში. შემოწმების მასალების მიხედვით პირველობა დაიკავეს: ფილოსოფიურმა (მე-3 კურსზე, საშუალო

ნიშანი 4,5, პარტორგი ლ. ცინცაძე) ისტორიულმა მე-2 კ. საშ. ნიშანი 4,1; პარტ.-ორგი დ. მეგრელიშვილი) და რუსულმა ჯგუფმა. ფაკულტეტს ჰყავს საუკეთესო დამკვერელი სტუდენტები, რომლებიც სწავლობენ „ფრიალებზე“, „კარგებზე“ და აკადემიურ წარმატებასთან ათავსებენ საზოგადოებრივ მუშაობას. ასეთებია: ცინცაძე ლუსკა, ვვიშანი გიორგი, ამირაფი გრიგოლი, მაღარაძე შალვა, სიჭინავა ვარლამი, კალანდარიანი შალვა, კირიხილი ჰუსეინი, წერედიანი ბესარიონი, შარაშენიძე იოსება, მეგრელიშვილი დანიელი, გვათუანი, გამსახურდია გრიგოლი, მდივნიშვილი მარო და სხვ.

შემოწმებამ გამოაშკარავა აგრეთვე ისეთი სტუდენტები, რომლებიც ვერ ამართლებენ სოც. შეჯიბრება—დამკვერლობას. ასეთებია: ქავყარაძე დარეჯანი, სმირნოვი სონია, ნაცვლიშვილი მარიამი,

ვეუშაოგ საფინანსო საქმიანობაში

შ. შამშია

საბჭოს წევრად ამირიჩეს 1931 წელს. დღიდან არჩევისა ვმუშაობ ტფილისის საბჭოს საფინანსო სექციისაში.

1. ვესწრებოდი სექციის სხდომებსა და პლენუმს.

2. ვიყავი სექციის საგეგმო ჯგუფის ხელმძღვანელი, ვმუშაობდი ფინანსურების მობილიზაციის ხაზით სხვადასხვა ბრიგადაში (სექციის დავალებით) ტფილისის ფარგლებში.

3. ვიყავი მიმაგრებული სტალინის რაისაბჭოს საფინანსო განყოფილებაზე 33 წლის შემოდგომაზე (ვეუშაობდი ბრიგადაში კერძო სექტორის ძველი დავალიანების ამოღების ხაზით).

4. 33 წელს ვმუშაობდი აგრეთვე დამკვერულებისა და ორგანიზაციების ხაზით. ინდ. სესხის ობლიგაციებზე ხელის მოწერის ჩატარების შესამოწმებლად.

5. 1934 წელს (აპრილი—მაისი) ვმუშაობდი ბრიგადის ხელმძღვანელად ორჯონიკიძის რაისაბჭოს საფინანსო განყოფილებაში. მიმაგრებული ვიყავი კულტ. და საშემოსავლო გადასახადის თავის დროზე შეტანის შესამოწმებლად: 1 უნივერსიტეტსა და მის დახურულ განმანათლებლებზე, 2. სამედიცინო ინსტიტუტსა და მის დახურულ განმანათლებლებზე, 3. სტალინის ინსტიტუტზე და სხვ.

ასეთია მოკლე ჩემი მუშაობა ტფ. საბჭოს საფ. სექციისაში.

ორი მეცადინეობის შედეგად

უკვე ჩატარდა პარტ.-პოლიტ-სკოლების ორი მეცადინეობა, პირველი 10 ოქტომბერს, ხოლო მეორე 16 ოქტომბერს.

უნდა აღინიშნოს, რომ პირველ მეცადინეობაზე (10 ოქტომბერს) მსმენელთა და პროპაგანდისტთა დასწრება არ იყო დამაკმაყოფილებელი. მსმენელთა საშუალო დასწრება უდრიდა 77 პროც. ზოგიერთი ფაკულტეტის პარტორგანიზატორებმა ადრე გაშალეს მუშაობა და უზრუნველყვეს დასწრების მაღალი პროცენტი. ასე მაგალითად: ისტორიული ფაკულტეტის დასწრება უდრიდა 91 პროც., გეოგრაფიული ფაკ.—83 პროც. დასწრების დაბალი პროცენტი მოგვცა ეკონომიურმა ფაკულტეტმა (55 პროც.) და ბიოლოგიურმა (58 პროც.) არ გამოცხადებულა მეცადინეობაზე პროპაგანდისტი დ. ცხაკაია.

დასწრების მხრივ უკეთესი მაჩვენებლები მოგვცა მეორე მეცადინეობამ (16 ოქტომბერს). არ ჩაშლილა მუშაობა არც ერთ პარტ.-პოლიტურში, არ ჰქონია ადგილი დაგვიანება-გაცდენას არც ერთი პროპაგანდისტის მიერ. მსმენელთა დასწრება საშუალოდ უდრიდა 83

პროცენტს. პროპაგანდისტების მიერ ჩატარებულ იქნა პირველ მეცადინეობაზე დაბუშაბებული მასალის შეთვისების შემოწმება. უნივერსიტეტის პარტკაბინეტში ტარდება პროპ.-სემინარი. პარტ. პოლიტ. სკოლები მომარაგებულია სახელმძღვანელო ლიტერატურით. ამ მხრივ პოლიტსკოლების მუშაობას არ აქვს დაბრკოლება.

მთავარია პოლიტმეცადინეობაზე მსმენელთა ასი პროცენტით დასწრების უზრუნველყოფა და პარტ.-სწავლების ხარისხის ამაღლება.

პარტორგანიზაციებმა გადამჭრელი ზომები უნდა მიიღონ მსმენელთა დასწრების უზრუნველსაყოფად. დასწრების საქმეში მთელი პასუხისმგებლობა ეკისრებათ პარტორგანიზატორებს. პარტსწავლების ხარისხის საკითხს წყვეტს პროპაგანდისტი. ამიტომ საჭიროა პროპაგანდისტები სისტემატურად დაესწრონ პროპ. სემინარს და ღრმად მომზადებულნი შეხვდნენ პოლიტსწავლების დღეს.

ბრძოლა თითოეული კომუნისტის მარქსისტულ-ლენინური თეორიით შეიარაღებისათვის უნდა იდგეს უნივერსიტეტის პარტორგანიზაციების ყურადღების ცენტრში.

შ. კაპანაძე

დასხდენ და ოქმი დასწერეს...

ზოგიერთი ჯგუფის სამკუთხედები იმდენად გაიტაცა კრებებმა, რომ სამეცნიერო საათებსაც კი კრებებს უთმობენ. ასე მაგალითად: ეკონომიური ფაკულტეტის საგვამო-ეკონომიური სექციის № 42 ჯგუფის სამკუთხედი ხშირად იწვევს კრებებს სამეცადინო დროს.

19 ოქტომბერს სამკუთხედმა ჩაატარა ჯგუფის კრება იმ დროს, როდესაც ლექცია უნდა შემდგარიყო რუსულ ენაში. კრება გაგრძელდა 2 საათს.

ჯგუფის პარტორგი გ. რუხაძე და ჯგუფის თოლორადავა გულმოდგინედ მოითხოვეს კრების გაგრძელებას და სრულებით არ გრძნობდნენ პასუხისმგებლობას რუსული ენის ლექციის ჩაშლისათვის. კრებებით გატაცების პრაქტიკა

ჯგუფის სამკუთხედების მუშაობაში უნდა აღმოიფხვრას.

ხშირად სამკუთხედს საკითხი მოუზადებლად გადააქვს ჯგუფში და მას ფორმალურად ატარებს. მაგ. ამავე № 42 ჯგ. სამკუთხედმა რუსული ენის დაუფლების შესახებ ჩატარებული მოხსენების ირგვლივ გამოიტანა შემდეგი დადგენილება: „მიღებულ იქნას მოხსენება ცნობად და სახელმძღვანელოდ, რუსული ენის კათედრის მიერ გამოცხადებული დადგენილების საფუძველზე სამკუთხედმა შეადგინოს სოც. შეჯამების ობიექტიები და გადაუგზავნოს რომელსავე ჯგუფს“. ასეთი ფორმალისმი და ყალბობა ჯგუფის სამკუთხედის მუშაობაში პირველი, არ არის.

ა. ფაცუჩია

გუგაგის გარდაცემის გზით

13 ოქტომბერს ჩატარდა ეკონომიური ფაკულტეტის კომკავშირის ორგანიზაციის გაერთიანებული კრება, რომელმაც განიხილა ორგანიზაციული მუშაობის გარდაქმნის საკითხი. მოხსენება გააკეთა ანზ. მახარაშვილმა. როგორც მოხსენებელი, ისევე კამათში გამოსული ამხანაგები (გვარცხავა, მუჯირი, ლობჯანიძე და სხვები) განსაკუთრებით შეჩერდნენ ისეთ საკითხებზე, როგორცაა სტუდენტთა უფლებების გაუმჯობესება, კომკავშირის ავანგარდული როლი სწავლაში, დისციპლინის განმტკიცება და სტუდენტთა კულტურული დახვეწება.

კრებამ აირჩია ფაკულტეტის კომკავშირის კომიტეტი შემდეგი შემადგენლობით: ანზ. ან. თოხმეშორი, ლობჯანიძე, ტ. დოლოძე, დარჩია და ფაჩულია.

კრებას დაესწრნენ საქ. ალკკ ცეკას მდივანი ანზ. გ. გიორგობიანი, ტფილისის კომიტეტის მდივანი ანზ. კ. მაისურაძე და ანზ. ს. ორჯონიკიძის სახ. რაიკომის მდივანი ანზ. კობალაძე, რომლებიც არჩეულ იქნენ უნივერსიტეტის კომკავშირის კონფერენციის დელეგატებად.

ეკონომიური ფაკულტეტის კომკავშირის კომიტეტი ეგრაგირებულ უნდა ჩაუდგეს სათავეში მუშაობის არსებით გარდაქმნას და დარაზონის ფაკულტეტის კომკავშირის სასწავლო გეგმების მილიანად და მაღალ ხარისხობად შესრულებისათვის ბრძოლაში.

დ. მ.

გოგელით აგნაკლის გამოსწორებას

ტფილისის სახელმწიფო უნივერსიტეტში მეცადინეობა დაიწყო 25 სექტემბერს, მაგრამ იგი დღემდის არ დგას ნორმალურ კალაპოტში. ისტორიული ფაკულტეტის 107 ჯგუფში საქართველოს ისტორიის სექციაში; პირველ კურსზე დღემდის გამეფებულია სტუდენტთა აშკარა უდისციპლიანობა. ჯგუფში სიის მიხედვით ირიცხება 38 მსმენელი, მეცადინეობაზე დადის მხოლოდ 23. სრულიად არ გამოცხადებულა 15 სტუდენტი. ამას გარდა ადგილი აქვს გაცდენა-დაგვიანების მასობრივ შემთხვევებს. აგრეთვე უნდა აღინიშნოს რომ დღემდის ჯგუფში არ გამოცხადებულან ლექციების ჩასატარებლად პოლიტ-ეკონომიის, ბერძნული ენისა და ქართული ენის ლექტორები. მოველით ამ ნაკლოვანების გამოსწორებას.

ფ. ლოგჯანიძე

კატატარა ფელეტონი

გოდა და კულტურისმოვა

ხა, ხა, ხა—ზარის ხმით კისკისებდა ლილი, რა კარგად მახსოვს, როცა პირველად ტფილისში ჩამოვედი „რუმბა“ მეგონა რუმბი, რუმბი ხომ იცით რაც არის... ეხლა კი „რუმბა“ ჩემი ხელობაა, აი „რუმბა“ უინიანად წამოიძახა მან და გაუსვა ფეხები.

—მკითხველს დაინტერესებს ამ ქალის ვინაობა, რომელიც, როგორც ჩანს, ქალაქის ცეკვის ენტუნისტი გამხდარა.

ლილი ჩემი სტუდენტი ქალია. კაბა კოკებამდის, თავის მარცხენა სფეროზე მოდებული აქვს ბერეტო, შემოწმებული წარბ-წამწამი, მოელვარე ლითონის ყურსაკიდი, გამოუმეტყველი სახე და გაბუწული შეღებილი ტუჩები—ი ლილის ნამდვილი პორტრეტი.

ქეთო, ცეკვის გარეშე მე ახალგაზრდა ადამიანი ვერ წარმომიდგენია, მიჰმართავს იგი ხშირად თავის ამხანაგ კომკავშირულ ქალს.

მთელი დღე და ღამე რომ ვიცეკვო, არ მომიწყინდება. ვანა რა სჯობს ფერადი ბუმბუტით ფოქსტროტის ცეკვას. დემეტო ჩემო, რამდენი ესთეტიკაა. ქეთო ახალი ქალის ტიპია; უბრალო, მაგრამ მოხდენილი, ჯანსაღი, აზრიანი და ხალისიანი. იგი გააფრთხილებს ებრძვის ლილის ავადმყოფურ წვრილბურჟუაზიულ თვისებებს.

„შენ საცოდავი ქალი ხარ—აღელვებით მიჰმართავს ხოლმე იგი ლილის—შენ დაბალი და მეშინური წრების ტყვე ხარ და ამ ტყვეობას თავი უნდა დააღწიო. ძალიან ცდები თუ ფიქრობ, რომ მე და ჩემი ამხანაგებს გახალისება, ცეკვა და გართობა არ გვიყვარს, ჩვენ გცეკვავთ და შეიძლება არა შენზე ნაკლებ მოხდენილად მაგრამ შენსავით ცეკვა თვითმიზნად არ გადავიტყვივო, ჩვენ ვიცით ვართობის დრო და ადგილი ისევე, როგორც მუშაობისა და ბრძოლის დრო და ადგილი. ანდა ვანა ჩვენ ლამაზად ჩაღმა დახურვას ვაურბივართ? სრულიადაც არა, მაგრამ სანარცხვინოდ მიმაჩნია წარბ-წამწამების შემოწმება, ყურსაკილების გადამეტებული მოდა, ზიზილიპილიები და დღემდის ოთხჯერ ტანსაცმელის გამოცვლა. ეს მოცლილი და გადაგვარებული ხალხის საქმეა.“

ქეთოს არგუმენტებმა ლილი ვერ დაარწმუნეს.

„შენ, ჩემო კარგო, არ იცი რა არის ცეკვის ექსტაზი“, გაცხარებით უბასუხებდა გაკულტურისმოვლი ლილი.

მამის სული ნუ წამიწყდება ამას წინათ ექვის საათი განუწყვეტლად ვიცეკვე; არ დაგვკვდება ფოქსტროტი, ჩარლსტონი, „რუმბა“ თუ ტანგო. აი, ცეკვა ამას ქვია“.

ქეთოს ცდა ლილის გარდაექმნისა მარცხით დამთავრდა. ქეთო ძალიან წუხდა, რომ ლილის მეტად გვიან მოესწრო, თორემ უფრო ადრე, რომ შეხვედროდა შეიძლება მისი განთავისუფლება მეშინური ბურჟუაზიული გავლენისაგან. მაგრამ ეს გავლენა მას ეხლაც სისხლში და ხორცში ჰქონდა გამჯდარი.

ლილი მზად არის მთელი დღე ან სარკის წინ, ან ფოქსტროტის თამაშში გაატაროს, ამაზე მაღალი ინტერესი მისთვის არ არსებობს. იგი ყველაფერს ამ ერთად ერთ ინტერესს უძირჩილებს.

დაკვირვებული თვალი შეატყობდა, რომ კავალის გულზე მინდობილი ლილი ერთ საღამოს ძველებურ ხალისით არ ასრიალებდა ფეხებს. ამ პატარა მოვლენას ქონდა თავისი დიდი მიზეზი. ლექციების სისტემატიური გამოტოვებისა და დაგვიანებისათვის ლილი უნივერსიტეტიდან გამოსარიცხავ სტუდენტთა სიაში შეეტანათ. რა თქმა უნდა მას არ აწუხებდა სწავლისაგან მოწყვეტა, მხოლოდ წუხდა, რომ სტუდენტის სახელს, რომლითაც ასე ამჟამად, ის უნდა გამოეშვიდებოდა. „ფოქსტროტმა დაგლუბა“ ინსტიტუტურად წამოიძახა მან და თავდავიწყებით გაქანდა ავზნებულ კავალერთან ერთად.

გუშინ დღით ლილი აღელვებული მივარდა ქეთოსთან უნივერსიტეტში.

ქეთო, ჩემო ქეთუსი, როგორც ვაგიგე, მე გასარიცხავთა სიაში შეუტანივართ. თუ და ხარ რამე დაიხმარე, შენ მოწინავე სტუდენტი ხარ, რომ მოიწადინო შესძლებ ჩემ დატოვებას.

შენი გადარჩენა უკვე აღარავის შეუძლია, ნაღვლიანად უბასუხა ქეთომ. რა სინდისი გაძღვედა ნებას, რომ ფუქსავატური ვართობისათვის ამდენი საათები გაგეცდინა.

მე ვერაფრით დაგეხმარები. გარი.

ავიღოთ კურსი პირველკლასიანს

სახელმწიფო უნივერსიტეტის საკულტურო მუშაობა დღემდის ეცხადგას სათანადო სიმალდევზე. კლუბის ძველმა გამგეობამ ვერ შეძლო უნივერსიტეტის კლუბის გარემო ცოცხალი, მოქმედი ადამიანების დაზრუნვის გადამტყობა ის კულტურულ-მასობრივი მუშაობის ცენტრად. აღნიშნული მდგომარეობის გამოსასწორებლად გადადგმულია ნაბიჯები. მოწვეულია მარჯანიშვილის სახ. თეატრისმსახიობი გ. ლომია. ამხ. ლომია უკვე შეუდგა მუშაობას. გადადგმულია ნაბიჯი წრების მუშაობის გამოცოცხლებისათვის. კლუბთან უკვე ჩამოყალიბდა დრამატული, მიმღერალო, ქადრაქის, ფოტოს და სახსულე ორკესტრის წრე.

უახლოეს დროში კლუბი აწყობს ქართული პოეზიის საღამოს. მოწვეული იქნებიან პოეზიის საუკეთესო ოსტატები.

კლუბის მუშაობის დიდი ნაწილი დაეთმობა დრამატიულ წრეს. შექმნილია უნივერსიტეტის ადგილობრივი ძალებისაგან დასი, შედგენილია რეპერტუარი. რეპერტუარში შეტანილია ქართული კლასიკოსებისა და თანამედროვე ქართველ დრამატურგების გასცენურება.

მოხდება კლუბის სცენის რეკონსტრუქცია; ძირითადად უნდა გადაკეთდეს არსებული სცენა, რისთვისაც ხარჯთ-ალრიცხვით გათვალისწინებული 15.000 მანეთი დამტკიცებულია რექტორის მიერ.

ს.—მ.

მიხედოთ კედლის გზებით

პირველი, რაც თვალში გვეცემათ უნივერსიტეტის შენობაში შემოსვლისთანავე, ეს არის კედლის გაზეთები.

რა მდგომარეობაშია ისინი.

ყოფ. ისტორიულ-ლიტერატურული ფაკულტეტის კედლის გაზეთს—„ლენინის გზით“—არა აქვს თარიღი, არც ნომერი, გაზეთი გაკეთებულია ტლანქად, მას არ უყარვა ფორმა და არც შინაარსია დამაკმაყოფილებელი. გაზეთის მხოლოდ ერთი ნომერია გამოშვებული მთელი წლის განმავლობაში. ეკონომიური ფაკულტეტის კედლის გაზეთი „ლენინის დროშით“, რომელიც გასული წლის 7 ნოემბერს გამოვიდა, მხოლოდ წელს, ახალი სასწავლო წლის დასაწყისში, ჩამოიღეს.

ასეთივე ბედი ეწვია რემედისის კომიტეტის კედლის გაზეთსაც.

სამართლის ფაკულტეტის კედლის გაზეთს „ლენინის გზით“ რედკოლეგიას შეუძლია იამაყოს იმით, რომ მიმდინარე წლის 8 ივნისს „მოახერხა“ გაზეთის გამოშვება და ეს ნომერი დღესაც „ამშვენებს“ უნივერსიტეტის კედლებს.


ასეთივე მდგომარეობაშია ასპირანტურის ინსტიტუტის კედლის გაზეთიც, თითქმის სრულებით მივიწყებულია მათემატიკური ფაკულტეტის კედლის გაზეთი.

უნდა აღვნიშნოთ ერთი მდგომარეობაც: თითქმის ყველა ფაკულტეტის კედლის გაზეთს ერთნაირი სახელი აქვს დარქმეული.

სახ. უნივერსიტეტის კედლის გაზეთების მუშაობა გაყინული წერტილიდან უნდა დადგრათ.

დ. მაისურაძე

რედაქტორი—სარედაქციო კოლეგია



ავაგოთ თვითმფრინავი

გაზეთ „ახალგაზრდა კომუნისტის“-ს სახელობის თვითმფრინავის ასაგებ ფონდში—ეკონომიური ფაკულტეტის კომკავშირის ორგანიზაციის შემოაქვს 500 მანეთი. სოც-შეჯიბარში ვიწვევთ—სახ. უნივერსიტეტის ყველა ცალკე კ. კ. ორგანიზაციებს.

ტფ. სახ. უნივერსიტეტის ეკონომიური ფაკულტეტის კომკავშირის კომიტეტის მდივანი: ო. თხემეშორი.

ა/კ. მეცნიერ მუშაკთა სახელობის თვითმფრინავის ასაგებ ფონდში შემოაქვს 10 მანეთი და ვიწვევ შემდეგ ამხანაგებს: გინაძე გრიგოლს, მ. ნამიჩივილი, კ. სუ-

ლაქველიძეს, პ. კობიძეს, ნ. გველენიანს, კ. ზირაძეს, ა. მესხს, ი. კვიციანიძეს, მ. ჩიკვაძეს, ა. კაციბას, მ. მიჩინაშვილს, ს. მკვიდრიშვილს და ამილახვარს.

ბ. სინარულიძე

ამხ. ბორის სინარულიძის გამოწვევით ა. კ. მეცნი. მუშაკთა სახელობის თვითმფრინავის ასაგებ ფონდში შემოაქვს ათი მანეთი და ვიწვევ: დ. სიმონიშვილს, გ. კობახიძეს, დ. ორაგველიძეს, მ. ასათიანს, ა. კახიძეს და ლ. ციხისთავს.

ბ. ზირაძე